

商邱縣志目錄

文安 劉德昌 重修

崑山 葉 澐 編輯

卷首

萬壽亭圖 縣境圖 城圖 縣治圖 學宮圖

黃河圖 新河圖

卷之一

沿革 星野 城池形勢附 封域 公廨郵政附

山川溝洫津梁附 風俗節序附 物產

卷之二

賦役

鹽引附

卷之三

學校

災祥

兵燹

古蹟

第宅

陵墓

卷之四

祠祀

坊表

寺觀

帝王

封建

卷之五

官師

名宦

卷之六

選舉

卷之七

恩例

賜封

武科

卷之八

聖蹟

先賢

名臣

卷之九

賢達

儒林

文苑

卷之十

武功

隱逸

忠烈

孝友

卓行

流寓

方技 仙釋

卷十一

列女

卷十二

藝文 王言

卷十三

藝文 漢至唐
祿文

卷十四

藝文 宋元
祿文

卷十五

藝文

明禋
文

卷十六

藝文

國朝
禋文

卷十七

藝文

賦

卷十八

藝文

古體
詩

卷十九

藝文

近體詩
著書附

卷二十

撫佚

商邱縣志卷十五

藝文

禊著

明

重修微子廟記

倪岳

宏治癸丑冬巡撫河南都察院右副都御史姑蘇徐公恪上疏言據河南開封府歸德州儒學訓導應剛等呈稱儒學東偏故有祠一所自宋元以來祀殷上公微子歲久祠壞祀亦廢缺考之微子周成王時受

封于宋以奉湯祀今歸德實其故都祠無完屋祭非
專享竊所未安況微子克孝之德無愧作賓自靖之
心不顧行遯周室封之備一王之典孔子論之首三
仁之列蓋天下萬世所共景仰而分土立國之地顧
不享一籩一豆之奉豈朝廷崇德之意哉況以始封
則泰伯有祀于吳以同時則比干有祀于衛考禮按
章理宜祠祭而守茲土者未遑舉行誠爲缺典歛令
歸德州擇地之宜崇建微子祠如泰伯比干故事春
秋致祭庶以遠慰仁賢于千古率新觀聽于一時事

下禮部議謂茲崇祀先賢國之令典有司之常職今
歸德既有微子故祠宜如所請量爲修飭以時祭祀
考覈以聞詔曰可於是知歸德州事周侯誥承命惟
謹庀工構材撤舊易新拓其故址爲禮殿爲前厦左
右廡爲重門各三楹廣庭崇墉有嚴有翼中塑像章
服有制供器咸備享禮具舉肇工于甲寅中春越二
月告成州之人士獲睹故祠之復實惟徐公之德誥
乃圖不朽計礪貞石走書幣以予承乏禮曹詳其顛
末請一言以識諸祠謹按詩書所載及史記世家云

微子啟帝乙之元子紂之庶兄也封微子以畿內諸侯爲紂卿士紂旣立不明微子數諫不聽痛殷之將亡乃謀之太師箕子少師比干釋位以去武王克殷封之于宋成王殺紂子武庚遂誥命微子修其禮樂以奉湯祀都于商丘歷漢迄唐更曰睢陽至宋陞爲南京應天府正今歸德之地去城西南十二里微子墓在焉是則歸德周仁賢肇基託體之區秩而祀之理亦宜哉雖然崇祀先賢故有司之職世規規簿書期會之末者於此不皆加之意是祠之始蓋自趙宋

以王業所基建諸墓側後徙城內之西南隅國朝景泰間知州席貴移置學東後圯于水天順間知州蔣魁重建于學內之東偏卽今祠所在越歲溢遠祠益頽廢適侯來知州事祇謁興歎慨然以興復爲己任值歲歉未果是以一聞徐公報可之命竭力修舉增飭其舊肇修常事秩在祀典千載之廢一日而備視他日有司緩于當務之急者其賢多矣嗟夫微子存殷歸周之大節自孔子稱三仁之後皦然如揭白日於中天將與天地相爲悠久固無繫于祠之有無然

祀始于宋而廟食弗稱其於聖朝崇賢褒德之治豈
宜哉使非徐公考古而倡言周侯嚮義而勇爲顧欲
克底于成如今日者蓋亦難矣遂不辭而序次其畧
俾刻置祠下庸以告之後之人

重建協忠廟記

羅汝敬

士之致身當時以能廟食百世使人不忘者必其行
義足以勵俗智謀足以尊主庇民也若歸德州之協
忠廟祀者其庶幾乎歸德唐之睢陽郡爲江淮保障
爲關陝襟喉安史扇妖河北州郡悉皆霜靡惟真源

令張公廵以其仗節之衆赴郡守許公遠相與力保孤城以遏賊鋒蓋以睢陽存關陝可固東南可保而中興事績可圖也方此之時控弦之寇累十萬而睢陽疲卒纔數千孰不以爲城破猶反掌况望其能匡復唐室者乎二公同心同力奮不顧身城存與存城亡與亡于是疊出奇計以阻亂畧雖力殫城陷身斃逆妖而再造之業實基于此報功以祀宜矣或曰二公之功固鉅矣第剪滅凶醜于二公旣死之後再造唐室乃李郭輩百戰之餘爲可惜耳噫是豈足與論

成敗之數耶夫再造之功非成于成功之日逆妖之
破非破于俘馘之時向使睢陽失折衝之機則妖騎
長驅東南板蕩彼四節度者且不能取睢陽李郭雖
萬又安能摧勦敵以廓清寰宇哉矧二公旣死而不
亡有如是夫祀以報之誠宜也同赴二公之難時則
有若名將南霽雲雷萬春城父令姚閭單父尉賈賁
皆一時人傑知有二公之命而不知有其身者故各
得以其功配享廟舊在城南七里許元至元間以兵
燹之餘廟無孑遺去城遼遠不便香火主簿柴叔武

乃卜地移置城南上近州人又問以祈禱不便告按
察僉事劉君咸州守李君志指揮趙君勝偕僚屬以
下乃相吉地州治東率諸好事者捐俸資以徙焉庀
材營建廟屋爲殿者三間爲廡者東西各稱是爲儀
門者三門外門一座皆像神儀于其中周圍爲垣對
樹佳木扁則榆林朱君孔易大書協忠廟宇完飭宏
敞輪奐一新足稱神棲而便瞻仰矣旣落成郡人鴻
臚卿徐君永達徵文以志顛末嗟夫二公之忠誠在
天地二公之勲名在史官所不必書若夫所以尊主

庇民而砥礪名教者固不可遺也姑著之麗牲之石
如此且系之詩俾祠者歌焉詩曰在昔阿衡機禍寬
唐室有半淪妖風孳孽狂瀉騰逆蹤二十四郡謹其
雄人豪挺特張許公協德比義嬰孤墉斬梟殲蟻摧
逆鋒力幹綱紀天無功崇功報德元祀同城頭雙廟
褒典崇邇來徙吉州治東靈耀益損秩益隆民康物
阜年展豐景貺攸萃昭精忠翠珉有刻並無窮

重建睢陽五老祠記

昌 耨

睢陽五老者宋太子少師杜衍傳即王漢司農鄉里

世長郎中朱貫馮平也五人者之致仕居里也年皆八十上下用唐白樂天香山九老故事結社賦詩不干時事雖陽人敬如著蔡至繪像以傳其歿也里人祠而尸祝之蓋在歸德城西數里云歲久其祠傾圯今太子少保工部尙書臨安俞公琳乃重建焉公初舉進士爲行人憲宗差典周王喪禮遂感瘧疾幾不能生舟次歸德乃仰天嘆曰琳五歲而孤賴母教育至有今日萬一客死遺母孰養天如佑我獲事母終死亦無憾失聲痛哭醫侍皆泣是夕忽夢五老鬚眉